

Կասեցնել քայքայման պրոցեսը, հանել երկիրը անիշխանութեան վիճակից ու ստեղծել պետական շինարարութեան համար պայմաններ — ահա թէ ինչպէս է ըմբռնում իր կոչումը ներկայ կառավարութիւնը:

Համաձայն սրան, կառավարութիւնը դնելու է լուծման հետեւալ խնդիրները.

Ա. Ներքին գործերի սահմաններում.

1. Հաստատել երկրում տարրական իրաւակարգ, կեանքի ու դոյքի ապահովութիւն:

2. Բանալ հաղորդակցութեան ճանապարհները անարգել երթևեկութեան համար:

3. Վերականգնել պոստ-հեռագրական նորմալ հաղորդակցութիւն թէ երկրի մէջ և թէ հարևան պետութիւնների հետ:

4. Եռանդուն միջոցների գիմել կարելոյն չափ մեղմացնելու պարենաւորման տաղնապը:

5. Տնօրինել դաղթականների և փախստականների վիճակը, մասամբ վերադարձնել իրենց տեղերը, մասամբ տեղաւորել նոր վայրերում:

6. Նախապատրաստել Հայաստանի Սահմանադիր Ժողովի հաւաքումը կարելոյն չափ շուտ:

Բ. Ֆինանսների սահմաններում.

Հող պատրաստել սեփական դրամական սիստեմի հիմքը դնելու համար: Զեռնարկել անհրաժեշտ միջոցներ, որպէսզի երկիրը ապահովի դրամական նշաններով, վերականգնի արդիւնաբերական կեանքը և ապրանքների փոխանակութիւնը, ինչպէս նաև մշակել հարկերի առողջ սիստեմ:

Գ. Արդարադատութեան սահմաններում.

Յարմարեցնել դատարանը երկրի քաղաքացիական իրաւահասկացման և իրաւական սովորոյթների պայմաններին՝ միաժամանակ մասնակից անելով քրէական դատավարութեանը ժողովրդի ներկայացուցիչներին:

Դ. Զինւորական գործերի սահմաններում.

Վերակազմել երկրի զինւորական ուժերը՝ նպատակ ունենալով ստեղծել թուով ոչ մեծ, բայց ոգով ու կարգապահութեամբ ուժեղ բանակ:

Ե. Արտաքին գործերի սահմաններում.

1. Ամրացնել օսմանեան կառավարութեան հետ հաշտութիւնը և բարի դրացիական յարաբերութիւններ հաստատել նրա հետ: Խստիւ կատարել այն բոլոր պարտականութիւնները, որ մենք յանձն ենք առել օսմանեան կայսրութեան հանդէպ ու հետեւել, որ օսմանեան կառավարութիւնը իր կողմից անի նոյնը մեր վերաբերմամբ: Մասնաւորապէս լուծել օսմանեան զօրքերի մեր երկրից դուրս բերելու հարցը և դաղթականների վերադարձը:

2. Ազրբէջանի և Վրաստանի հետ փոխադարձ համաձայնութեան դաւով՝ լուծել Հայաստանի և այլ պետութիւնների սահմանների հարցը՝ հիմք ունենալով ազգաբնակիւն սկզբունքը, իբրև միակը, որ համապատասխանում է ռամկավար պետութիւնների ոգուն ու նպատակներին: